



KOMUNIKADO PA PRENSA

Fecha
8 di desèmber 2015

Accountmanager
Corinne Leysner

Email
corinne.leysner@gobiernu.cw

PROYEKTONAN DI RENOBASHON DI KAYANAN TA KANA SEGUN SKEMA

Willemstad – Minister di Tráfiko, Transporte i Planifikashon Urbano, sra. Suzy Camelia-Römer i Obranen Públiko (OW) ta partisipá ku e proyektonan di drechamentu di kaya ta kana manera proyektá. E siman ku ta bini e kontratistanan ta drenta e periodo tradishonal di 'bouwwak' (fakashon di trahadónan den konstrukshon), loke ta nifiká ku for di mas òf ménos 15 di desèmber 2015 te ku dia 10 di yanüari 2016 niun trabou no ta tuma lugá. E kontratistanan a kumpli ku e tareanan i a kaba ku e fasenan ku tabata planiá pa kaba den e temporada aki. Ta sigui ku e siguiente fasenan di e trayektonan den luna di yanuari 2016.

E lista ku ta sigui ta duna un impreshon di e diferente proyektonan:

1. Sta Rosa weg Beurs te ku KFC

Fase I ta kla i habrí pa públiko. Fase II (te ku Toko Jan Boos) ta kaba riba 11 di desèmber 2015. Otro aña ta sigui ku fase 3.

2. Erosweg

E kontratista ta traha riba aseranan. E krusada elevá na Curaçao American Preparatory School ta den fase final. Kaya ta habri bèk riba 11 di desèmber 2015. Na 2016, despues di kaba un estudio tokante maneho di awa pa e aria ta pone labadó nobo.

3. Snipweg/Corrieweg

Ta kaba e aseranan. E siman aki ta kuminsá asfaltá e lag di ariba di e kaya for di Brievengat te ku Snack 45. Tambe ta asfaltá for di Plaza Pas te ku Matanciaweg. E parti di kaminda meimei ta kaba den 2016 pa motibu di e provishonnan spesial pa e klientenan di Fundashon Pro Bista.

4. Venezuelaweg

Ta kaba pa 11 di desèmber despues ku ponementu di kabel dor di UTS a tuma hopi tempu. UTS mester a warda riba material.

5. Breedestraat

Mobilario ta yega den februari 2016, loke ta nifiká ku despues por sigui ku e detayenan ku tin ku kaba. Pa awor ta kuida e provishonnan temporal. E siman aki ta kaba ku e trabounan na pia di Brùg Emma.

6. Nieuwestraat



KOMUNIKADO PA PRENSA

Fecha

8 di desèmber 2015

Accountmanager

Corinne Leysner

Email

corinne.leysner@gobiernu.cw

E siman aki ta kaba e trabounan pa hasi Nieuwestraat te ku Fuikstraat un kaya di e prinsipio di un 'shared street'. Sobrá di Nieuwestraat ta keda kla den 2016. E trabounan na riol na Abraham de Ruyterkade (dilanti Cafe Restaurant 27) tambe ta kla pa e siman aki.

7. Ansinghstraat

Kaminda tin partinan habrí den e kaya ta yena porlopronto ku greis fini (aros) i otro aña ta tapa e kaya aki ku klenku.

8. Rotònde Sta Rosa weg/Seru Loraweg

Kaya ta habrí pa tráfiko for di fin di e siman akí ora e krusada elevá riba e krusada di Kaya Rignald Recordino i Kaya Katuna ta kla. Lusnan di tráfiko ta kuminsá traha normal. Otro aña, ora ta sigui ku e trabounan na e rotònde, ta kita e instalashon di lus di tráfiko.

9 Rotònde Palu Blanku/Hariri

Ta traha riba e aseranan ku tin ku kaba riba dia 16 di desèmber 2015. Na yanüari ta asfaltá e rotònde kompleto. E rotònde ta habrí pa tráfiko ku tin ku sigui bòrchinan temporal i markanan riba kaya.

Minister Suzy Camelia-Römer i Obranen Públiko (OW) ta yama danki na tur habitante i komersiante ku ta biba òf traha den besindario di e proyektonan menshoná, pa nan kompreshon pa tur e molèster durante di e trabounan. Pa e hendenan aki, i pa tur otro hende ku ta hasi uso di kareteranan di Kòrsou, tin un bon perspektiva na kaminda : E kayanan i rotòndenanan ta keda kla otro aña i tin mas proyekto pa sigui mehorá nos kayanan. Asina e ministerio ta duna kontenido na e vishon di traha riba un tremendo Kòrsou pa biba aden i un tremendo Kòrsou pa bishitá.